

Sanhgyangh: Vwnzva Fwendah Baij Fungcingz

三江：河歌文化展风情

6 nyied 17 hauh, Sanhgyangh Duncuz Swciyen Yangzhih Yangh banh ngux nyied cibsam minzsuz vwnzva hozdung nem ciet fwendah conzdungj, dangdieg vunzlai yungh minzsuz youzcunz、biujiyenj gofoux、doxdax fwendah daengj langhbaij vwnzva fwendah conzdungj cezmuuz ndei yawj lai cungj lai yiengh, yinx ndaej geij fanh boux beixnuengx gak cuz Gveicouh Guengjsae daeuj yawjgonz daejniemh.

Fwendah Duncuz, youh heuh diuqhenzdah Duncuz, cujyau hwng youq Gveicouh Lizbingz、Cungzgyangh caeuq Guengjsae Sanhgyangh、Yungzsuij daengj yienh Mbanjdung henzdah rangh Dahduhliujgyangh nem dahnga de, dwg cungjioih “go iq” Duncuz mbouj yungh buenxciengq ndawde cungj godiuq he, dwg cungj godiuq saumbauq Duncuz youq guh hong seizhoengq, eu fwen naenghhwnz、ra youx gyau youx caeuq bouxlaux son vunz guh ndei seiz ciengq he.

(Vuz Lenyinh/吴练勋 Gungh Bujganh/龚普康)



▲Biujiyenj diuqfoux.



▲Ciengq golaux Duncuz.



▲Canghfwen youq gwnz daiz doiq fwen.

Lungzswng: Fwen Minzcuz Ciengq-yiengj Naengzliengh Ndei Seveicujyi

龙胜：民族山歌唱响社会主义正能量

6 nyied 16 hauh, Lungzswng Gak Cuz Swciyen Laujgangiz lienzhab fwen hezvei aen yienh neix banh aen cawjdaez dwg “vih saehnieb dangj demgya naengzliengh ndei” fwen doxdax. 24 boux canghfwen daj daengx yienh Myauz、Yauz、Dung、Cuengh、Gun 5 aen minzcuz daeuj haenx, yungh fwen gyau youx, humxheux “song hag it guh” hagsib gyauyuz、cingcinj bangrex、seveicujyi hwzsinh gvacizgvanh nem swngdhai lajmbanj hwnjguh daengj cawjdaez doiq fwen, ciengqyiengj fatyiengz hot fwen naengzliengh ndei seveicujyi, caux ok heiqfaenh ndawbiengz ndei.

Gaenh geij bi neix daeuj, aen yienh neix doenggvaq bangcoengh laebbaenz ndawbiengz fwen hezvei、vatcimh caeuq gungganq bouxswnjcienz fwen daengj fuengsik, swnjcienz caeuq hwngfat minzcuz fwen vwnzva, fwen gaenq baenz le cungj fuengsik dangdieg senhconz fuengcim cwngcwz dangj caeuq fungfouq vwnzva saedcej vunzlai he.

(Banh Cisiengz/潘志祥 Vuz Haij-vaz/吴海华)

Gunghcwngz Banh Gvandaeq Miuhhoih Nem Gaiq Daihroek Ciet Vwnzva Youzcaz Gunghcwngz

恭城举办关帝庙会暨第六届恭城油茶文化节

6 nyied 14 daengz 16 hauh, Gunghcwngz Yauzcuz Swciyen banh 2016 nienz Gvandaeq miuhhoih nem gaiq daihroek ciet vwnzva youzcaz Gunghcwngz hozdung, vunzlai aen yienh neix caemhcaiq henzgyawj yienh gih wnq daeuj camgya caeqbaiq、geiqniemh hozdung, muengh fwn yinz rumz swnh, guek ranz onjdingh. Cienz gangj, binaengz liggaueq ngux nyied cibngeih dwg ngoenz doekseng Gvanh Yij bouxciengginh ak Sanhgoz, ndawbiengz Gunghcwngz liglail miz gij conzdungj banh Gvandaeq miuhhoih.

(Liengz Veih/梁辉)



▲Guh Gvandaeq youzbyaij hozdung.

Yungzanh: Haiguh Fanj “Seiq Rumz” Ciendaez Senhconz Yaugoj Ndei

融安：开展反“四风”专题宣传成效好

6 nyied 17 hauh, 2016 nienz Yungzanh Yen cazyawj henzgyawj vunzlai “seiq rumz” caeuq nduknaeuh vwndiz cienhangh vwnzyi yienjok youq aen yienh neix Fouzsiz Cin gvangjangz banh, doengzseiz, yen giveij、genhcazgiz、fuzbinzban daengj 15 aen danhvei haiguh caebcomz senhconz hozdung, senhconz gak cungj cwngcwz leih minz, fatcuengq fanj nduknaeuh canglenz senhconz swliu, yienhciengz ciepdaih vunzlai cam vwndiz, daezsang roxyiuj hong cienhangh cazyawj “seiq rumz” caeuq nduknaeuh vwndiz.

Aen yienh neix doenggvaq vwnzyi yienjok, yungh cungj fuengsik vunzlai haengj dingq gyaenz yawj haenx senhconz gij cwngcwz leih minz caeuq gij gietsim fanj nduknaeuh canglenz dangj, hawj vunzlai daj yienjok caenciet roxyinh gij cingzgoj cienzmienh daj yiemz ceih dangj; ciendaez vwnzyi yienjok, cezmuuz cunzyienj dingzlai dwg yungh gij caizliuh dangdieg, hawj dangdieg vunzlai gag bien gag yienj, cunzyienj gungh anbaiz cezmuuz 90 lai aen, miz 300 lai boux beksingq yenjyenz camgya yienjok.

(Danz Gaijhingh/谭凯兴 Cangh Siu-lanz/张秀兰)



▲Youq gwnz daiz biujiyenj diuqfoux.